

中國方志叢書·華北地方·第一八七號

據清·光緒三年刊本  
清·夏詒鈺等纂修  
影印

河北省

# 永年縣志



成文出版社印行



\*10106132\*

R  
K2  
526


中國方志叢書·華北地方·第一八七號

據清·光緒三年刊本  
清·夏詒鈺等纂修  
影印

河北省

# 永年縣志

(一)



成文出版社印行

sk6567



中國方志叢書·華北地方·第一八七號

據清·光緒三年刊本  
夏詒鈺等纂修  
影印

河北省

# 永年縣志



sk 65/07

成文出版社印行




\*10106134\*

中華民國五十八年 月壹一版

# 永年縣志

全三冊



發行人：黃 成 助

出版者：成文出版社有限公司

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

歡迎  
如蒙  
賜顧  
PDG

河南鄧州胡賓周重印

永年縣志

板存縣署

古循吏居官規畫皆期諸久  
遠猷居深念於一邑措施之  
迹灼見胸次又慮後人昧於  
體要則必譔述其事以相詔  
示邑有志乘由來久矣永年  
令夏君范卿公暇輯成縣志

四十卷蓋據前令王君竹堂  
志藁刪定以上繼乾隆孔志  
者也書成問序於余余維志  
乘之體大而天文輿地政典  
人物以及偏長薄技靡不甄  
錄徵往事以告來者俾異時

滋官行政有所參考而邑之  
俊良亦得景行前賢以為觀  
感興起之資編錄之意固不  
為無裨乎范卿治邑有聲今  
觀所為書其精審也如其律  
身其矜嚴也如其砥節其斷



制也如其吏才其宏贍也如其肆應卷中若地形河渠經政序次尤詳期可見諸行事以補前志漏畧洵孔君之功臣而浚來之圭臬也孔志成於乾隆丙子若亦以光緒丙

子經始闈歲竣稿前此百二十年未有續脩茲三年間竹堂倡議於前范卿成書於後足徵循良意趣之同抑所謂規畫宏遠期諸永久者歟范卿名父之子溯源家學蘄然有

以自見余曩守保陽時令先  
人百初先生為易州牧得承  
馨歎其流風餘韻迄今民有  
餘慕是垂諸久遠者又不僅  
在編摩文字之後范卿勉乎  
哉受讀卒業爰書數語以勗

光緒三年歲次丁丑六月上  
澣按察使銜候補道知廣平  
府事白山長啟序





光緒乙亥詒鈺任事永年吏以  
縣志進蓋乾隆丙子孔公廣棣  
所修閱今百餘年矣先是承

大府檄纂修通志前令錢君敏  
宋君陳壽先後設局採訪逮王  
君鏞泣任乃哀錄所存未及成

書旋謝事去詒鈺不敏于古昔  
作者無能為役顧職任一官而  
坐視文獻放軼心弗敢安邑紳  
亦以纂修請甚力爰具牘申請  
上臺開局編輯經始丙子孟夏  
至丁丑三月竣藁夫邦國有志

固將辨其山川土田物產因以  
周知利病禹貢九州為之權輿  
周官外史小史所掌其書不可  
考見度必纖悉詳備適于實用  
鄒侯收秦圖籍可類推也官書  
著述之體甯朴毋華甯質毋誕



如布帛菽粟之利用而不徒文章馳騁是尚前哲有言史可數百年一修志不可數十年不一修若如後來獵豔之作亦何貴乎修之哉乾隆丙子距今典章損益人事遷改年遠無考者何